



**Dankeswort a d Arbeitsgruppe  
Spiu- und Begägnisplatz,  
Gmeindsversammlig, 19.06.2019 in Utzistorf**

Liebi Arbeitsgruppe vom Spiu- und Begägnisplatz

dr Vorstand vom Eltereverein Utzistorf bedankt sich ganz hätzlich bi öich für au öie unermüedlich lisatz wo dir über die letschte paar Jahr füre Spiu- und Begägnisplatz heit gä.

Ig darf gar nid dra danke wie mängi Sitzig, ja wieviue Stunde dir ehrenamtlich für die wundschöni Begägniszone gschaffet heit.

Vor Jahre isch e Vision da gsi, dass es doch schön wär, wes in Utzistorf sone Platz gäbt. Es isch ä länge, mängisch sogar beschwärlische und steinige Wäg gsi, bis am Samschtig wos ändlich isch losgange.

Dir heit nie ufgä, heit immer gseit, mir finge scho e Lösig. Es isch beidruckend mit wellem Wille, mit was füernerne Usduur, mit welne Idee und öppe ou chli Hartnäckigkeit dir das Projekt zum Ziel bracht heit. A ganz viu Details heit dir dänkt!

Öi ganzi Arbeit isch unbezahlbar. In Utzistorf isch e Oase entstande. Ä Träffpunkt zum Spiele, Lafere und nöi Lüt kenne lere. Es isch e Ort wo sech Gross und Chli darf traffe. Sit es paar Woche hets immer wieder Ching und Erwachsnigi gha wo am Zuun si gstande und ufe Platz glüslet hei. Was hets äch aus für Sache zum Spiele, zum Chlättere, zum Rutsche? Vorem grosse Fescht hets ufe Begägnisplatz no ke Zuetritt gä.

... letschte Samschtig hei mir mit emene grosse Fescht dr Spiu u Begägnisplatz dörfe iweihe und eröffne. Ganz viu Utzistörflerinne und Utzistörfler, öb Erwachsnig oder Chind hei sech am 11 zur Eröffnigsfiir versammelt.

E ganz spezielle Momänt isch gsi, wo d Susanne ar Eröffnigsfiir ds "Band " het düregschnitte und somit dr Spiu - und Begägnisplatz für Bevölkerig het frei gä. Für aui die viele Chinder hets kes halte me gä und si si sofort los gsprunge zum grosse Sandchaschte, dr Chlätterpark, zur Schoukle uf d Rutschi und so witer.

Es wunderschöns und friedlichs Fescht mit emene abwächslisgriche und unterhaltsame Programm hei mir aui dörfe erläbe. Merci ou a aui Hälferinne und Hälfer.



Und heit dir gwüsst sogar dr Petrus isch begeischeret vo üsem nöie Träffpunkt... ds grosse Gwitter isch ersch cho wo die letschte Bänk und Zäut grad si versorget gsi.

Und itze no öppis zum Schluss: Üs vom Eltereverein isches es Alige, dass dr Spiu- und Begägnisplatz für alli e Platz zum verwile isch. Spontan hei mir die Wuche ir Papeterie Singer agfragt, öbs äch müglech wär im Gschäft es Jassdecheli ds deponiere. Mir bedanke üs, dass d Papeterie Singer die Idee ohne ds zögere unterstützt. Ab sofort dörft dir während de Gschäftsöffnigszite ga es Jassdecheli mit Jasscharte usleihe und ufem Begägnisplatz bi schönem Wätter e Jass chlopfe. Mir wünsche öich vielei vergnügliche Stunde uf üsem Spiu- und Begägnisplatz.

Danke für öii Ufmerksamkeit.